



[Handwritten signature]

P R A V I L N I K

**O INTERNOJ KONTROLI MINISTARSTVA ODBRANE I ORUŽANIH SNAGA
BOSNE I HERCEGOVINE**

Sarajevo, mart 2012. godine



P R A V I L N I K

**O INTERNOJ KONTROLI MINISTARSTVA ODBRANE I ORUŽANIH SNAGA
BOSNE I HERCEGOVINE**

Sarajevo, septembar 2010. godine

Na osnovu člana 15. tačke l) i m) Zakona o odbrani Bosne i Hercegovine ("Službeni glasnik BiH", broj 88/05), člana 61. stav (2) Zakona o upravi («Službeni glasnik BiH» broj 32/02), a u skladu sa članom 23. stav (1) Zakona o finansiranju institucija Bosne i Hercegovine ("Službeni glasnik BiH", broj 61/04), te Instrukcije Ministarstva finansija i trezora BiH za razvoj i održavanje sistema interne kontrole broj 01-1-02-839/05 od 08. 03. 2005. godine, ministar odbrane Bosne i Hercegovine donosi

PRAVILNIK

O INTERNOJ KONTROLI MINISTARSTVA ODBRANE I ORUŽANIH SNAGA BOSNE I HERCEGOVINE

I - OPŠTE ODREDBE

1. Predmet

Član 1.

Ovim pravilnikom uređuju se pitanja, te propisuje i reguliše implementacija i funkcionisanje sistema interne kontrole kao sredstva za obezbjeđenje efikasnosti i efektivnosti funkcija i aktivnosti kojima se ostvaruju ciljevi i misija Ministarstva odbrane Bosne i Hercegovine (u daljem tekstu: MO BiH) i Oružanih snaga Bosne i Hercegovine (u daljem tekstu: OS BiH).

Pored toga, pravilnikom se obezbjeđuje viši nivo izvjesnosti da se raspoloživi resursi dodijeljeni MO BiH i OS BiH koriste namjenski, te na zakonit, ekonomičan i racionalan način. Efikasnom primjenom odredaba pravilnika obezbjeđuju se ključne pretpostavke za osiguranje prihvatljivog nivoa rizika u svim procesima upravljanja resursima MO i OS BiH.

Pravilnikom se uspostavljaju procedure i daju smjernice za strukturiranje i podržavanje sistema interne kontrole koji uključuje kako finansijsko-računovodstvenu tako i administrativnu kontrolu.

Član 2.

Internu kontrolu u upravljanju resursima i ostvarivanju ciljeva u MO i OS BIH čine:

- 1) nadzor nad čuvanjem, upotrebom i raspolaganjem resursima MO BiH i OS BiH.
- 2) kontrolu zakonitosti dokumenata i procesa o raspolaganju i upotrebi resursa.
- 3) inventarisanje sredstava i njihovih izvora.
- 4) drugi oblici i načini nadzora i kontrole propisani drugim pravilnicima, politikama, procedurama i uputstvima za upravljanje i raspolaganje resursima, kao i za postizanje definisanih ciljeva.

Član 3.

Sistem interne kontrole se integriše i implementira u sve segmente sistema odbrane, i to kako sa aspekta organizacione strukture, tako i sa aspekta svih segmenata poslovnih i radnih procesa, a posebno:

- 1) upravljanja, raspolaganja i rukovanja nepokretnostima, te materijalnim i drugim sredstvima, propisanog svim politikama i procedurama, a prvenstveno logističke, a potom i svih drugih vrsta podrške.